

ՀԱՅՐԵՆԱԿԱՆ ՊԱՏԵՐԱԶՄԻ ՏԱՐԻՆԵՐԻ
ՀԱՅ ԲԱՆԱՀՅՈՒՍՈՒԹՅՈՒՆԸ

ՀՍՍՀ ԳԱ քղրակից-անգամ Ա. Տ. ՂԱՆԱԼԱՆՅԱՆ

Իբրև ռազմա-հաղափական բախտորոշ իրադարձություններ պատերազմները միշտ համապատասխան արձագանք են գտել տարբեր ազգերի լայն խավերի բանավեժում: Այստեղ ավելի կամ պակաս չափով անդրադարձել են պատերազմների կարևոր դեպքերն ու դեմքերը, ժողովրդի վերաբերմունքը դրանց հանդեպ: Ուրեմն ավելի տևական, ծանր է եղել պատերազմը, այնքան ավելի խորն են եղել և նրա հետևեր ժողովրդի մտաշխարհում, բառ ու բանի մեջ:

Հիտլերյան ֆաշիստների դեմ Սովետական Միության մղած Հայրենական մեծ պատերազմը այս առումով առանձնապես խոր հետևեր թողեց սովետական բոլոր ժողովուրդների, այդ թվում և հայ ժողովրդի բանավոր ստեղծագործության մեջ: Մեծ Հայրենականի տարիներին Հայաստանի գյուղերում ու քաղաքներում, ռազմի դաշտում գտնվող հայ մարտիկների միջավայրում ստեղծվեցին ու տարածվեցին գտնաբանական տարբեր տիպի ստեղծագործություններ:

Ինչպես սովետահայ բանահյուսության մեջ ընդհանրապես, այնպես էլ պատերազմի տարիների հայ բանահյուսության մեջ, առաջին հերթին լայնունեն օգտագործվեցին ավանդական բանահյուսության մի շարք տարածված ստեղծագործություններ, ժանրեր (ժողովրդական երգեր, խոսիկներ, լիպերգեր, անեծքներ, անեկդոտներ), վերջիններիս հատուկ արտահայտչական միջոցները (տաղաչափական ձևեր, հանգսվորման եղանակներ, երաժշտական մեղեդիներ, բանաստեղծական պատկերավորման հնարներ): Դրա հետ միասին հորինվեցին ոչ միշտ թվով նոր տիպի ստեղծագործություններ (ինքնուրույն բանաստեղծների ոտանավորներ, գուսանական նորոգ տաղեր, ասեր, երկխոսություններ և այլն):

Հայրենական պատերազմի տարիների հայ բանահյուսությունը մեր ժողովրդի պատերազմական շրջանի էյանքի ու պայքարի, ապրումներն ու մտորումների յուրօրինակ տարեգրությունն է: Նրա հիմնական թեման ռազմանականում տեղի ունեցած պատմական կարևոր իրադարձություններն են, իսկ գլխավոր հերոսը՝ ռազմի դաշտում Սովետական Միության մյուս ազգությունների զավակների հետ ընդհանուր թշնամու դեմ անձնուրաց մաշտնչող հայ զինվորն ու զորավարը: Այդ զինվորների ու զորավարների կատարած ռազմական սխրանքներին, նրանց ցուցաբերած արիության ու հերոսության բնության գրգռմանն ու դավաճաններն են նվիրված բանահյուսական շափածո ու արձակ բազմաթիվ նմուշներ: Ժողովուրդը պատերազմի ողջ ընթացքում ուշի-ուշով նետել է իր զավակների փառագործություններին, ծնողական սրտաբուխ խոսք սուել նրանց հասցեին: Ռազմի դաշտում իրենց մարտական գործերով աչքի

րնկած շաւալին մարտիկներից ու հրամանատարներից շատերի մասին նա հիշուել է պարծանքով ու երախտագիտությամբ համակված շատ ստեղծագործություններ:

Ժամանակակից հայ գուսաններն ու ժողովրդական երգիչները առանձնապէս շատ երգեր ու տաղեր են նվիրել Հայրենական պատերազմի հայազգի նշանավոր զորավարներից մեկին՝ Հովհաննէս Բաղրամյանին: Հպարտության լարձը զգացումով նրանք պատմել են իրենց մեծանուն հայրենակցի մարտական սխրանքների մասին, գովերգել են՝ «Սյունյաց ժայռոտ լեռների դուրացունին», բշնամուն «Կարկուտից սաստիկ ջարդ տվող», «Բաջատոհմիկ» զորավարին, վերհիշել նրա կյանքի ուշագրավ դրվագները, արձանագրել են այն սարսափն ու խուճապը, որ պատճառել են նրա բանակները Հիտլերին:

Բաղրամյանը կանչեց՝ «առաջ»,
Հիտլերն ընկավ լաց ու հառաչ...:

Վիշապաբաղ Վահագնին հիշեցնող իր մեծ սխրանքներով դրվատման առանձնահատուկ առարկա է դարձել խիզախ օդաչու Նելսոն Ստեփանյանը:

Ամպի միջից կայծակեցիր,
Կարկուտ ու շանք արձակեցիր,
Թշնամու դեմ մահ ցանեցիր,
Հերոս Նելսոն, հայի գավակ:

Ժողովրդական գուսանների տաղերում հիշատակվում են նաև անվանի կապիտան Արամ Միրզոյանի ռազմաճակատում կատարած բազմաթիվ ֆաշիզագործությունները:

Ձենքդ ձեռքիդ բշնամու դեմ,
Կանգնել ես դու անառիկ վեմ,
Քաջությունդ պիտի գովեմ
Կապիտան Արամ Միրզոյան...

Հատուկ երգ է նվիրվել Ռոստովի արյունահեղ մարտերի եռանդուն մասնակից գնդապետ Ղուկաս Մաղոյանին՝ հայրենիքին ու հարազատներին նրա սված կարճատև այցելության առիթով:

Հայ ժողովուրդ ուրախացեմ,
Հաղթանակի լուր է եկել,
Դիմավորեմ ու ցնծացեմ,
Մաղոյանը հյուր է եկել...

¹ Այս և հաջորդ բոլոր մեջբերում-նմուշները թաղված են պատերազմի տարիներին մեր և ուրիշների՝ Երևանում, Էջմիածնում և Հայաստանի այլ շրջաններում գրի առած անտիպ նյութերից (ներկայումս դրանք պահվում են Հայաստանի ԳՍ հնագիտության և ազգագրության ինստիտուտի ժողովրդական բանահյուսության բաժնի արխիվում), մասամբ էլ 1942 թ. Երևանում հրատարակված «Հայ աշուղները և հորինողները Հայրենական պատերազմի օրերին» ժողովածուից:

Հայրենական պատերազմի շրջանի հայ բանահյուսության ուշագրավ ստեղծագործություններից են սովետական բանակի շարքերում բշնամու դեմ կռվող հայազգի մարտիկների հաճախմունքների կողմից կամ վերջիններիս անունից հորինված երգերը: Անպահույն, պարզ, բայց և միաժամանակ շատ անկեղծ բանաստեղծական մանրանկարներ են դրանք, ապրած հույզերի, փափայլած հույսերի անխաղախ վավերականներ, սիրո կրակով շերմացած և վշտի արցունքներով ցողված բնաբերդային նմուշներ: Իրեն բաժանման ու կարոտի ստեղծագործությամբ, այդ երգերը բնականորեն զերծ չեն տխրության, քախծի շեշտերից: Նրանց մեջ միաժամանակ առկա է ժողովրդին հատուկ յավատեսությունը, որը քե է տալիս ընկնված հագիններին, սպեղանի դռնում վերավոր սրտերին:

Հայրիկս բանակ գնաց,
Բանակին մեռնեմ.
Գրել էր ինձ մի նամակ,
Նամակին մեռնեմ,— երգել է նակատայինի զավակը:

Խաղողի վազին մեռնեմ,
Գինու կարասին մեռնեմ.
Բանակ գնացած յար ջան,
Սրտիդ մուրազին մեռնեմ,— երգել է մարտիկի սիրած աղ-

ջիկը:

Բնորոշ են նաև զինվորների երիտասարդ կանանց երգերը, ուր դրսևորված են նրանց ապրումներն ու մտորումները, ընդհատված երջանկային փաղցր վերհուշը, ամուսնու՝ պատերազմից հաղթանակով, ողջ-առողջ վերադառնալու ավետալիք լուրի պատհանած խնդությունը.

Ցնծությամբ լցվեց այսօր տունը մեր,
Այսպիսի մի օր էլ ամենփող լինեք.
Ստացա նամակ մեծ, ավետաբեր,
Խնկությամբ բացի, կարդալով լացի,
Երգելով մնացի, գալու է յարս...:

Զգացմունքի անմիջականության, ժողովրդական երգերի ավանդական արտահայտչամիջոցների, պատկերների ու մեղեդիների հաջող օգտագործման շնորհիվ հիշյալ երգերը օժտվել են զգալի վարակիչ ուժով:

Ավելի չեմ և առավել հուզիչ են մայրական երգերը, որոնք կրում են ռազմի արյունահեղ մարտերում գտնվող հաճախ զավակներին հասցեագրված բանաստեղծական օրհնանք-բարեմաղրությունների, ի խորոց սրտի բխած բնաբան անկեղծ զեղումների բնույթ: Այդօրինակ երգերի գեղեցիկ ձևով է հետևյալ ֆառյակը.

Միտանի ըլնեի՝
Ճամփիդ բուսնեի.
Էնքան չմեռնեի, բալա ջան,
Գալըդ տեսնեի:

Պատերազմի շրջանի հայ բանահյուսության մեջ նշանակալից տեղ են զբաղում բշխման վերաբերյալ ստեղծագործությունները: Եվ դա բնական է: Այդ ստեղծագործությունների միջոցով ժողովուրդն արտահայտել է իր ատելության, վրեժի բուռն զգացմունքները՝ իրեն հաշ ծանոթ ցեղասպանների նորօրյա հետնորդների նկատմամբ: Հիշյալ ստեղծագործությունների մեջ առանձնապես շատ են պատերազմի մոլեռանդ ոգեկոչողին ու կազմակերպչին՝ «շուն» Հիտլերին, հասցեագրված չափածո անեծքները: Այստեղ տեղին ու դիպուկ կիրառված են դարերի բնթացում ժողովրդի ստեղծած ամենաբուռն ու ոչնչացնող պարսավարաւորներ, ածականներն ու մակդիրները:

Իրեն և յուրայիններին պատհանած անփոփոխելի կորուստների ու խոր վերքերի համար հայ զեղչկուհին ցանկանում է կարմիր գնդակից խոցված տեսնել Հիտլերին.

Փեշա լցնեմ փոշին,
Տանեմ բափեմ շոշին.
Կարմիր գլուկեն դիպնի՝
Շուն Հիտլերի դոշին:

Մի ուրիշ անգամ նա տենչում է, որ կրակի հարակ դառնա ֆաշիստների ճիվաղ պարագլուխը, նրան զուգորդելով պատին սողացող օձի հետ.

Պատի վրի օձը,
Պատի վրի օձը.
Հիտլերի ջանն բնկնի՝
Կրակ ու բոցը:

Նույն բանի համար հայ գուսանը 1942 թ. իր նգովն է հյուսել Հիտլերի հասցեին, ուր, ի միջի ալոց, ասված է.

Ջանդակրդ բորոտվի ու լեշրդ հոտի,
Մեմուտից ու ցավից խելաովես, Հիտլեր.
Ջանիդ միսը փտի, լիկի, որդնոտի,
Իրժոխի կրակով միշտ վառվես, Հիտլեր:

Չոր մեջիդ կրակով վառեմ ու դաղեմ,
Յարոտված ջանդակդ մեմուա՝ աղեմ,
Նդունգներս սրեմ, բրկումդ թաղեմ,
Չսատկես, մղկտաս ու ծալվես, Հիտլեր:

Աղիքի փշերից վերմակ կարեմ ֆեզ,
Մասուրի բուլերից դոշակ կարեմ ֆեզ,
Ան ոգնու փշերից ես բարձ կարեմ ֆեզ,
Որ պառկես, տրորվես ու հալվես, Հիտլեր...:

Պատերազմի շրջանի հայ բանահյուսության մի շարք երգ-բանաստեղծություններ նվիրված են 1942 թ. մայիս ամսին Ղրիմի բերակղզու կերչ հա-

դա՛նում. Սև ծովի ափին, ինչպես նաև Դոնի Ռոստովում ֆաշիստական բանակների դեմ սովետական զորքերի մղած մահու ու կենաց նակատամարտերին, որոնց մեջ ի շարս այլ ազգերի ներկայացուցիչների, ինչպես հայտնի է, մասնակցություն ունեին նաև հայ մարտիկներն ու հրամանատարները: Թե՛ իրենց լուսնդակությամբ և քե՛ Երաժշտական մեղեդիներով հիշյալ ստեղծագործությունները բնդհանուր առմամբ մոայլ բնույթի են: Նրանց մեջ վերարտադրված են քեժ մարտերի առաջին գծում գտնվող զինվորների ու հրամանատարների ֆիզիկական և հոգեկան ուժերի մեծ լարվածությունը, մարդկային անհամար զոհեր կլանող արյունահեղ ծանր մարտերը, վիրավոր մարտիկների տառապանքները, կատարած անձնագոհության ու հերոսության դրվագները: Այսպես, հարազատ մորը պատերազմի դաշտից ուղղված իր նամակում հայ զինվորը գրում է.

Սև ծովի ափին, մայրիկ ջան
Փրփուր չի բռնում.
Իմ գրած նամակը, մայրիկ ջան
Քեզի չի հասնում...:

Մի ուրիշ մարտիկ քախանձում է յուրայիններին մորից գաղտնի պահել իր վիրավորված լինելու հանգամանքը.

Կերչ Բաղաբր Բար ու Բրոա,
Դյուլլեն մեջը կը ֆրսֆրոա.
Ոտիս յարեն կը մրսմրոա,
Չասեմ մորս, վիրավոր եմ...:

Իսկ Ռոստովի մատույցների կատաղի կռիվներին մասնակից մարտիկի անունից հորինված մի Երգի մեջ մենք գտնում ենք Դոն գետին՝ իբրև շնչավոր արարածի ուղղված հետևյալ դիմում-աղերսանքը.

Ազովի հետ դու կապ ունես,
Հրնգից-վեցր հուղեր ունես,
Պանդուխտ մարդկանց դու խնայես,
Գիշերով անցա Դոն. Բեզի...:

Լինելով հիմնականում ծանր տրամադրությունների արգասիք, նշված Երգ-բանաստեղծությունները միաժամանակ ներքափանցված են գիտակցված մահվան տարբերով: Դրանով նրանք տարբերվում են 1914 թ. իմպերիալիստական պատերազմի տարիներին հորինված «սալդարի» խաղերից:

Այս առումով բնորոշ են հետևյալ Երկու Երգերը:

1914 թ. ստեղծված «Արտաշի Երգում» վիրավոր զինվորը անհույս վիճակում միայն դառնորեն ողբում է իր և բնտանիքի անելանելի վիճակը.

Հերս ու մերս քունդրա բոցին,
Սիրած յարիս ձեռքը ծոցին.

Նորամանուկ օրոցոցին,
հարալու եմ, դառնալու չեմ:

1942 թ. ստեղծված հայտնի «Կերչի երգում» վիրավոր գինվորը մխիթարում է հարազատ մորը, որ ինքը զուր չի զոհարեւել կյանքը.

... Կերչի նակատում, մայրիկ ջան
Վիրավորվեցի.
Հայրենիքի պատվի համար
Մովը նետվեցի:

Հայրենական պատերազմի շրջանի մի ուրիշ երգի մեջ ծանր վիրավոր մարտիկը մխիթարվում է նրանով, որ իր կյանքը տալիս է յուրայինների փրկության գործին.

Դիրքիս մեջը մութ ու խավար,
Լուսնյակ վերեկցր կամար,
Ես մեռնում եմ ձեզի համար...:

Հերոսի բոլորանվեր անձնագոհությունը բացահայտող խոստում օտեղծագործություն է այն բանաստեղծություն-երգը, որ նվիրված է հետմահու Սովետական Միության հերոսի բարձր կոչման արժանացած Հունան Ավետիսյանին:

... Ունանը կոչվում քնկավ, մայրիկ ջան,
Թափվեց արյունը,
Էն էր ումուղդ, մայրիկ ջան,
Քո սրտի սունը:
... Մի՛ լա մայրիկ, մի՛ լա հույրիկ
Քաջ էր Ունանը:
Հայրենիքի հողի համար
Ձոհ էր Ունանը...:

Առավել նշանակալից է սովետական ժողովրդի մղած Հայրենական ահեղ պատերազմի հաղթական ավարտի անխուսափելիությունը հավաստող հետևյալ գուսանական տաղը, ստեղծված պատերազմի ամենածանր օրերին (1942 թ.), որի հեղինակը սովետահայ ամենատաղանդավոր գուսաններից մեկն է՝ մանկությունից գույգ աչքով կույր ծերունագարդ Աշխույժը: Թեև երգը իր լեզվով, ոնով ու պատկերային մտածողությամբ մոտիկից հիշեցնում է գրական բանաստեղծություն, սակայն տաղաչափական ընդհանուր կառույցով, սիրմական չափով ու հանգավորման եղանակով տիպիկ գուսանական տաղ է:

Հրաբխային լավան ձնով չի մարվի,
Միշտ կը ժայթքի լեռան կրճից, կվառվի.

Քամին որքան էլ որ կաղնուն պինդ փարվի,
Կաղնին հաստատ, փարքամ ծառ է, չի մեռնի:

Աշխույժ, ձմռան ձյունը շուտով կը հալվի,
Գարունը կը գա և աշխարհը կը զմայլվի.
Ֆաշիստների լեզուն հավետ կը լավվի,
Կը հաղթենք, մեր գործն արդար է, չի մեռնի:

Նշված ստեղծագործություններից բացի պատերազմի տարիներին ինչպես Սովետական Միության մյուս հանրապետություններում, այնպես էլ Հայաստանում նկատելի տարածում գտան բանահյուսական ուրիշ հորինվածքներ ևս: Մեր խոսքը հակաֆաշիստական անեկդոտների մասին է: Ի տարբերություն բանավոր ծագում ունեցող հիմնականում ազգային, երբեմն էլ զավառային հնօրյա անեկդոտների, հիշյալ հորինվածքները գերազանցապես «ազգամիջյան» տարածում ունեցող և տպագիր աղբյուրներից (քերք, գիրք) սերող ստեղծագործություններ էին, որոնք իրենց այժմեական բնույթի պատճառով բանահյուսական կերպավորման ենթարկված՝ սկսեցին բերանից-բերան անցել մեր հասարակության տարբեր խավերում, հատկապես մտավորականության միջավայրում: Հնօրյա անեկդոտների համեմատությամբ հակաֆաշիստական անեկդոտները ունեին այլ, ոչ պակաս կարևոր տարբերություններ ևս: Մինչդեռ հները գերազանցորեն շոշափում էին սոցիալական, կրոնական և կենցաղային խնդիրներ, տոգորված մեծ մասամբ հումորով, նորերը, սակավ բացառությամբ, արծարծում էին ռազմական ու քաղաքական քննարկներ, օգտվելով հիմնականում ժողովրդական քրոնոտ երգիծանքի գինանոցից: Ընդհանուր հնօրյա և նորագ անեկդոտների մեջ նրանց փոփոխությունն է և ժանրային այնպիսի հատկանիշներ, ինչպիսիք են՝ գործող անձանց իրական կյանքից առնված լինելու հանգամանքը, գործողության անսկզբնական լուծումը, «պայքուցիկ» վերջավերությունները, հկան ու սուր ոճը, կարևոր կտրուկ երկխոսությունները, հնչյունային ու բառային խաղերը:

Հայրենական պատերազմի տարբեր տարիներին հորինված հակաֆաշիստական անեկդոտներն ունեն բովանդակության բազմազան մոտիվներ: Նրանց համար նյութ են ծառայել ֆաշիզմի պարագլուխների, առաջին հերքին տիրահոշակ ֆյուրերի, բնավորության, կյանքի ու վարքագծի տարբեր կողմերը, նրա աշխարհայեական անգոյս նկրտումները, ոչ արիական ազգերի, մասնավորապես հրեաների նկատմամբ ունեցած ատելությունը և այլն: Քիչ անեկդոտներ չեն ստեղծվել նաև ֆաշիստական բարձրաստիճան գորավարների, շարժային զինվորների, երիտասարդ ու տարեց գերմանացիների ու գերմանոֆիլների, ռուսական նակատում տեղի ունեցող պատերազմական իրադարձությունների մասին և այլն:

Բերենք մի բանի օրինակ միայն.

1. Փարիզ մտնելուն պես Հիտլերը գալիս է Նապոլեոնի գերեզմանի մոտ և պոռոտախոսորեն ասում.

— Վե՛ր կաց, տե՛ս, ոնց եմ աշխարհը ոտի տակ տվել:

Նապոլեոնը գերեզմանից հարցնում է.

— Ռուսաստանն է՞լ ես գրավել:

— Դեռ չէ, բայց...

— Որ այդպես է արի պառկի կողքիս²:

2. Մի պառավ գերմանուհի իր հարեանուհուն ասում է.

— Երագումս տեսա, որ ձուկը սովից փրկեց Գերմանիան:

— Մի՞թե այդքան շատ ձուկ էր ստացվել:

— Օ՛հ, ես տեսա, թե ինչպես Հիտլերը խեղդվեց ձկան փշից.

3. — Ինչո՞ւ չե՞մ հագնում ձեր ամուսնու Սմոլենսկից ուղարկած շորը, —
հարցնում է գերմանուհին հարեանուհուն:

— Հագածս հենց այդ շորն է:

— Ինչպես, չէ՞ որ այն բաց կապույտ գույնի էր:

— Այո, բայց... հետո ես սև ներկեցի:

Խրամատներում գրված զինվորական օրագրերի ու նամակների նման, պատերազմի տարիների ժողովրդական երգերը, վիպերգերը, անեծքները, անեկդոտները, գուսանական տաղերը, ինքնուս հորինողների ոտանավոր-ասերը աչքի են ընկնում իրենց փոքր ծավալներով, ոչ միշտ ավարտուն ու մշակված ձևով: Դրանք մե՛րթ տազնապալից են ու տխուր, մե՛րթ զվարթ ու սոսնակա՜ն: Գնահատելին այդ ստեղծագործությունների մեջ ոչ այնքան նրանց գեղատեսչական առավելություններն են, որքան՝ պատմա-հաճախողական արժեքը:

Արժարժելով տարբեր խնդիրներ և օգտագործելով տարբեր ժանրեր, արտահայտչական միջոցներ ու մեղեդիներ, հիշյալ ստեղծագործություններն են մի բնդհանուր ոգի ու առաջնորդող գաղափար: Դա սովետական ժողովրդի՝ իր առաքելության արդարացիության և վերջնական հաղթանակի նկատմամբ ունեցած հավատն է: Այդ է պատճառը, որ շնայած բշխման ուղղման մեխանիզմի հզորությանը, նրա դաժանությանն ու ցեղասպանական մոլուցքին, պատերազմի տարիների հայ բանահյուսության ստեղծագործությունների զգալի մասը տոգորված է լավատեսությամբ, բշխման նկատմամբ հավատի, արհամարհանքի, բունտ ծաղրի, սովետական մարտիկների անձնագործության ու հերոսության հարսավող մոտիվներով:

² Այս և հաջորդ անեկդոտները 1941—1942 թթ. յսկ ենթ նրկանում, բանավոր աղբյուրներից: